

0.0.1 saṅghāṭikaṇṇasuttaṃ

1. vuttaṃ hetam bhagavatā. vuttamarahatā'ti me suttaṃ:

2. saṅghāṭikaṇṇe ce'pi bhikkhave bhikkhu gahetvā piṭṭhito piṭṭhito anubaddho assa, pāde pādam nikkhipanto. so ca hoti abhiññhālu kāmesu tibbasārāgo byāpannacitto paduṭṭhamanasāṅkappo muṭṭhassati asamapajāno asamāhito vibbhantacitto pākatindriyo. atha kho so ārakā'va mayhaṃ, ahaṃ ca tassa. taṃ kissa hetu: dhammaṃ hi so bhikkhave bhikkhu na passati dhammaṃ apassanto na maṃ passati.

3. yojanasate ce'pi so bhikkhave bhikkhu vihareyya so ca hoti anabhiññhālu kāmesu na tibbasārāgo abyāpannacitto appaduṭṭhamanasāṅkappo upaṭṭhitassati samapajāno samāhito ekaggacitto samvutindriyo. atha kho so santikeva mayhaṃ, ahaṃ ca tassa. taṃ kissa hetu: dhammaṃ hi so bhikkhave bhikkhu passati dhammaṃ passanto maṃ passatīti.

4. etamatthaṃ bhagavā avoca. tatthetaṃ iti vuccati:

anubandho'pi ce assa,
mahiccho ca vighātavā;
ejānugo anejassa,
nibbutassa anibbuto;
giddho so vītagedhassa,
passa yāvañca ārakā.

so va dhammamabhiññāya,
 dhammamaññāya paṇḍito;
 rahado'va nivāte ca,
 anejo vūpasammati.

anejo so anejassa,
 nibbutassacanibbuto;
 agiddho vītagedhassa,
 passa yāvañca santike'ti.

5. ayampi attho vutto bhagavatā. iti me sutanti.